



Broj: 01-2-411/14
Sarajevo, 06.02.2014. godine

MEDIJIMA

Predmet : *Reagovanje Agencije za bankarstvo F BiH povodom neistinitih objava u listu „Dnevni avaz“ od 03.02.2014.g.*

Agencija za bankarstvo F BiH povodom posljednjih objavljenih tekstova u listu „Dnevni avaz“ informiše javnost o slijedećem:

Tvrđenje novinara lista „Dnevni avaz“ u kojima se sasvim neargumentovano navodi da je navodno „istraga pokazala“ da direktor Agencije i njegov zamjenik posjeduju neke „tajne račune“ u Austriji je u potpunosti neistinita i nedokumentirana. Takođe, u vezi sa navodima ovoga novinara i ovoga lista o nezakonitim transakcijama Hypo banke koje su vršene uz pomoć čelnih ljudi Agencije, ponavljamo da Agencija nije učestvovala ni odobravalala, niti odobrava bilo kakve a posebno nezakonite radnje odnosno transakcije ni jedne banke pa ni Hypo banke, čemu svjedoče dokazi odnosno zapisnici o obavljenim kontrolama ove Banke.

Pisanja o navodnim „pokrivanjima“ Petra Jurčića tadašnjeg direktora Hypo banke i odobravanju kredita Lijanovićima od strane Agencije najbolje demantira upravo objava ovoga istog lista od 04.12.2012.g. koji je citiramo objavio slijedeće :

„Agencija za bankarstvo FBiH još 2009. je uočila nepravilnosti, odnosno "nedozvoljene koncentracije kreditnog rizika" pri izdavanju kredita Lijanovićima. To dokazuje dokument ove agencije broj 03-2-1391-6/10, koji je u posjedu našeg lista, a u kojem je "Hypo banci" naloženo da "obustavi obnavljanje ili novo odobravanje kredita, garancija, akreditiva i drugih plasmana Grupi Lijanović (Lijanovići d. o. o., Velmos Company, Slavo Ivanković)". Ova mjera trebala je važiti dok se ne izvrši "usklađivanje najvećeg ukupnog izlaganja kreditnom riziku prema ovim licima, odnosno ne osigura propisani kolateral, a u skladu sa Zakonom o bankama i odlukama Agencije".

Na kraju, sasvim je jasno da su pisanja novinara lista „Dnevni avaz“ od 03.02.2014.g. neistinita i neprovjerena te ni u kom slučaju nisu potkrijepljena činjenicama i argumentima čime se dovodi u zabludu bh. javnost i čime se škodi cjelokupnom finansijskom sistemu naše zemlje.

URED ZA INFORMIRANJE FBA